



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Calumnia 1. In cultu Imaginum.

urn:nbn:de:hbz:466:1-40853

tarum , quæ profitetur se missam à Deo ad re-formandum Ecclesiam Romanam , non potest esse vera Christi Ecclesia, aut reformationi idonea. Sic enim curvitas effet norma recti ; & falsitas, & contradic̄tio regula perfectæ veritatis. Videat ergo in quanto salutis æternæ naufragio versetur, quisquis extra gremium Ecclesie Romanæ inter has Sectarum syrtes miserè fluctuatur.

ARTICULUS QUARTUS.

Calumniæ quædam apertæ contra doctrinam Ecclesiæ Romanæ Novatoribus confitæ.

Calumnia prima : In cultu Imaginum.

Familiare est Sectariis quamvis labem Catholicis aspergere, quā apud ignarum populum deformes aut monstroſi appareant. Colunt hi vetusto majorum ritu imagines Christi ac Sanctorum : hinc fæcunda seges Calumniarum. De Papistis , inquiunt , concilatum est : fugienda hæc hominum pestis: non tantum impia sunt, sed etiam Sacrilegi , neque sacrilegi tantum , sed etiam cultores idolorum ; Christiani hominis nomen exuerunt , cum ethnicis insaniunt, infidelium more lapides, & ligna adorant.

Attu, Sectarie , Calumniam loqueris quovis lapide & ligno crassiorem. Orant Catholici ad statuas lapideas Sanctorum, infers, ergo statuas lapideas adorant. En tibi in simili forma formosum argumentum : Orant Sectarii in templis ad Aras aut Columnas lapideas, ergo lapideas aras aut Columnas adorant. Errore isto nos facile liberabis , si tu prius errare desinas. Fides no-

M 6

stra

stra est, cultum divinum nulli creaturæ deferendum ; si tu aliam nobis invitatis affingas , tuum istud ſegmentum , non noſtra religio eft. Imaginem Sancti hac ratione veneramur : primò ut ea conſpecta ad cultum Sancto abſenti deſerendum moneamur , ſicut tibi, Sectarie , viſa in conclavi tui Regis effigie ſubitanimum grata quædam ac venerabunda benefi ci Principis recordatio. Hoccine tibi novum crimen , & inauditum genus Sacrilegij ? Altero modo imagineſ ipsas in honore habemus , quia Sanctos homines , & Deo charos repræſentant : ſicut tu , Sectarie , Bibliorum volumina , quamvis ex charta & atramento conflat a, præ aliis libris in honore habes & oſcularis , quia in illis deſcriptum Dei verbum continentur : neque ſua altari aut calicibus in ſacris litteris derogatur veneratio , quorum Sacrilegum abuſum in Rege Baltazar cæleſtis ultio vindicavit. Quidquid vero nos Sanctis in Imagine deſerimus , id voluimus universum in Deum ipsum redundant e , cuius unius gratia præ aliis homines Sanctos honore proſequimur. En quo recidit immanis illa Paſiſtarum impietas , & par cum Ethnicis cultus idolorum.

Eſto, inquires, iſta ratione Catholici quidam doctiores à cultu Imaginum idololatriæ maculam detergant, at populus paſſim eo errore dementatur, ut credat imaginibus Numen aliquod , aut potestatem naturæ viribus majorem inefſe. Hinc illis genua flectunt, oſcula figunt, luminaria accendunt, templa atque aras Sacrilego cultu contaminant.

Nova hæc eft calumnia , quam peperit disciplinæ Catholicæ crassa nimis ignorantia , hanc tibi palpandam præbeo. Quare enim, an popu-

lus noster existimet se crimen aut sacrilegium
admittere, si Sancti alicujus statuam argenteam
aut æneam confringit, confractam comminuat,
& in pateras, lances, aliosque usus convertat,
quando id publicæ, aut etiam privatæ utilitatis
ratio fieri depositit. Nemo est inter nos qui hunc
Ecclesiæ suæ pervulgatum usum & institutum
ignoret. Numen scilicet inesse credit statuæ
quam frangit, ligno quod secat, imagini quam
in publica. Ecclesiæ luce lacerat atqæ commi-
nuit. Apage cæcam calumniam: non sunt hæc
nostræ populi, sed tui Ministelli deliria, cui pa-
rum est in re aperta cæcutire, modò vel sic Re-
ligioni Romanæ aliquam impietatis laruum im-
ponat, contra quam possit è Cathedra falsitatis,
ad captandum populi sui plausum, liberius deto-
nare.

Calumnia Secunda: De signo Crucis.

Altera calumnia est, Catholicos ligna in Cru-
cis modum transversa populo adoranda
proponere: sibi persuadere in hoc signo latere
internam & arcanam virtutem, ad pellendum
quoslibet morbos, & quamlibet dæmonum po-
testatem debellandam. Et quamvis Catholici
omnes uno ore reponant, se neque adorare ne-
que invocare aliquam internam ligni virtutem,
sed adorationem, ac fiduciam suam ad Christi in
Cruce passi personam referre, surdis canunt, qui
audire nolunt quid Catholici credant, sed quid
Sectarij ipsis affingant, tanta est conviciandi
libido. Ut verò exornando huic convitio po-
pulare ludibrium adiificant, Catholicum per-
cunctantur: An si parens illius aut ayus in pa-
tibulo expirasset, propterea vellet Patibulum in
familie sue insignia adoptari. O pius, ac dignum
Chri-